

Johtočála 2025-28

Dáhton: 1.07.2025

Buhtada johtočállaga: 2023-36

Boazodoalu ovddidanfoandda njuolggadus kapihttal 4, Kursagoluid buhtadeapmi – kommentárat njuolggadussii

Kommentárat ja čilgehusat Boazodoalu ovddidanfoandda njuolggadussii kapihttal 4 – kursagoluid buhtadeapmi

Sisdoallu

Álggahus	2
Njuolggadusa mearrádusat	3
§ 4-1. Ulbmil.....	3
Kommentárat mearrádussii.....	3
§ 4-2. Buhtadeami eavttut	3
Kommentárat mearrádussii.....	3
§ 4-3. Doarjaga meroštallan.....	5
Kommentárat mearrádussii.....	5
§ 4-4. Gáibádusat ohcamii	6
Kommentárat mearrádussii.....	6

Álggahus

Johtočála gusto buohkaide geat áigot ohcat buhtadusa kursagoluid ovddas dakkár kurssaid oktavuodas mat leat mielde ovdánahttime boazodoalu.

Njuolggadusa mearrádusat

§ 4-1. Ulbmil

Ulbmil doarjagiin lea veahkkin fuolahit loktet gelbbolašvuoda boazodoalus dan bokte ahte juolludit doarjaga kurssaide ja lassiohppui.

Gáldu: [Forskrift for Reindriftens Utviklingsfond, kapittel 4](#) (Lovdata)

Kommentárat mearrádussii

Ortnega ulbmil lea aktiivvalaš boazoeaiggádiidda láhčit dili gealboloktemii dan bokte ahte oahppat ođđa, dárbbalaš dieđuid dahje ođasmahttit máhtu mii sis juo lea.

Mearrádus ulbmila birra sáhtta geavahuvvot relevántta dulkonbeallin go veardádallá kapihttal 4 mearrádusaid ulbmilii.

§ 4-2. Buhtadeami eavttut

Boazoeaiggádat sáhttet oažžut buhtaduvvot goluid kurssaide, mátkkošteapmái ja orrumii kurssaid/lassioahpu oktavuodas maid ulbmil lea háhkat ja/dahje viidásetovdánahhtit boazodoalli gelbbolašvuoda boazodoalu doaimmaheapmái.

Jus doarjja galgá sáhttit juolluduvvot de ferte boazoeaiggádis leat sierra mearka. Muđui ferte/fertejit boazosearvvi dahje siidaoasi jodiheaddji/jodiheaddjit duođaštit divatgeatnegahtton vuovdindietnasa iežas mearkka bohccuid biergovuovdimis unnimustá 50 000 ruvno ovddas ekskl. lassiarvodivvaga.

Jus siidaoasi jodiheaddji/jodiheaddjit geat ohcet buhtadeami devdet eavttuid oažžut álggahandoarjaga siidaosiid ja boazoserviid njuolggadusa § 9 mielde, de ii gusto dienasgáibádus [§ 4-2](#) nuppi lađđasis.

Gáldu: [Forskrift for Reindriftens Utviklingsfond, kapittel 4](#) (Lovdata)

Kommentárat mearrádussii

Vuosttaš lađas: Geat sáhttet ohcat buhtadusa ja makkár kurssaid ovddas?

§ 4-2 vuosttaš lađđasa mielde leat «boazoeaiggádat» sii geat sáhttet ohcat buhtadusa kursa- ja lassioahppogoluid ovddas. «Boazoeaiggát» lea dakkár olmmoš geas lea vuoigatvuohta eaiggádit bohccuid sámi boazoguohtunguovllus boazodoallolága mielde, vrd. boazodoalloláhka § 9, vrd. boazodoalloláhka § 32 dahje dakkár olmmoš gii lea mielde boazosearvvis. Ohcci ferte leat registrerejuvvon siidaoassái, buohtalas rekruterenoassái dahje boazosearvá. Ohccin, geat leat registrerejuvvon siidaoassái ja buohtalas rekruterenoassái, galgá leat iežas mearka.

Oppalašgeahčastat doarjjavuoigaduvvon goluid badjel

§ 4-2 vuosttaš lađđasis leat namuhuvvon makkár golut sáhttet gokčojuvvot kapihttal 4 mielde. Listtu lea ollislaš, nu ahte earálágan golut eai leat kapihttala doaibmasuorggis. Dadjanvuohki «kurssaid ja lassioahpu oktavuodas» mearkkaša ahte golut galget leat čadnon dan dihto kursii/lassiohppui. Dan ferte áššemeannudeaddji árvvoštallat juohke ovttá áššis.

Gealbbu háhkan/lokten

Kurssas/lassioahpus galgá maiddái leat ulbmilin háhkat ja/dahje loktet boazoeaiggáda gealbovuodu doaimmahit boazodoallobargguid. Das oaivvilduvvo ahte kurssat mat leat eambo dábálaččat ja addet gelbbolašvuoda maid earát go boazodoallit sáhttet atnit ávkin, dábálaččat lea kapihttala doaibmasuorggi olggobealde.

«Doaimmahit boazodoallobargguid» dajaldagaid oaivvilduvvo dábálaš boazodoalu doaimmaheapmi nu go lea čilgejuvvon boazodoallolágas. Dasa gullá earret eará guođoheapmi, njuovvan, merken je. Maiddái kurssat rehketoalus ja girjedoalus, mat leat dárbbalaččat go deavdá boazodoallodieđáhusa je. sáhttet leat dábálaš boazodoallobargguid meroštallamis.

Vaikko boazodoallobarggut maiddái fátmastit lassiealáhusaid nu go bivdima, oagguma, murjema ja murrema, de eai leat kurssat mat loktejit gealbbu daid lassiealáhusaid siskkobealde kapihttal 4 njuolggadusa mielde.

Kurssat madda lea juolluduvvon doarjja dán njuolggadusa mielde leat earret eará:

- **Parasihtaeastadeapmi.** Ákkastallan: Dikšut bohccuid parasihtaid vuostá eastada buozalmasvuoda earkil boazoeaiggáda ealus, ja lea mielde unnideame riska ahte parasihtat njommot eará ealuide guovllus. Kursa fáttás parasihtaeastadeapmi lea danin dakkár mii ovddida boazodoalu orohagas ja guovllus, ja láhčá dili háhkamii ja/dahje loktejit ohcci gelbbolašvuoda čadahit boazodoallobargguid.
- **Bohccobierggu reiden.** Ákkastallan: Dat ahte eanet boazoeaiggádat ohppet ođđa reidenvugiid bohccobierggu váras sáhtta dagahit ahte bohccobiergu šaddá eanet bivnnuhin, ja nu sáhtta šaddat eambo vuovdin ja alibut haddi. Dat bohtá buorin olles boazodollui. Kurssat bohccobierggu reidemis oidnojuvvo maiddái gealboloktemin boazodoallobargguid oktavuodas.
- **Njuovvan njuovvanjorris.** Ákkastallan: Njuovvat njuovvanjorris lea buorre dakkár báikkiin mat leat guhkin eret njuovahagain. Dat addá doaimmalaš ja ekonomalaš ovdamuniid, oktan báikkálaš árvoloktema. Njuovvan njuovvanjorris lokte ohcci gealbbu boazodoallobargguid čađaheami oktavuodas.
- **Ealli bohccuid fievrredeapmi.** Ákkastallan: Ealli bohccuid fievrredeapmi orohaga ja boazodoalloguovllu ovddas háhka ja/dahje lokte ohcci gelbbolašvuoda čadahit boazodoallobargguid.

Kurssat mat eai deavdde eavttuid §§ 4-2 ja 1-7 vuosttaš lađđasa mielde leat earret eará:

- **Vuodjinkoarta.** Ákkastallan: Vuodjinoahpaheapmi ii leat boazoeaiggádiid váste, muhto dakkár masá buohkat sáhttet searvat. Dakkár kursa ii leat BOF-doarjjaortnegiid ulbmiliid vuolde. Eanandoallo- ja biebmodepartemeanta lea hilgojuvvon ohcamušaid áššemearrádusaid doalahan.
- **Bivdogeahččaleapmi.** Ákkastallan: Bivdogeahččaleapmái kursa oidnojuvvo eanet obbalažžan. Dat ii atte sierra gealboloktema boazodoallobargguid čađaheapmái boazodoallopoltiikalaš ulbmiliid mielde dakkár vugiin maid Boazodoalu ovdánahttininfoanda galgá ruhtadit. Eanandoallo- ja biebmodepartemeanta lea hilgojuvvon ohcamušaid áššemearrádusaid doalahan.
- **Helikopteroahppu.** Helikopteroahppu oidnojuvvo dego biilla vuodjinkoarta obbalažžan. Dat ii atte sierra gealboloktema boazodoalu ovdánahttima váste, ja sáhtta dávjá adnot eará dienasháhkamii go boazodoallu. Eanandoalldirektoráhtta lea ovddeš áššiin ákkastallan

ahte helikopteroahppu ii deavdde eavttuid kapihttal 4 mearrádusas, vaikko oahppu livčče geavahuvvon boazodoalu čađaheami oktavuodas.

Nubbi lađas: gáibádusat ohccái

Gáibádus ahte leat bohccot iežas mearkkas

Ohccis galget leat bohccot iežas mearkkas boazodoallolága § 9, vrd. § 32, vuodul. Ii leat doarvái ahte ohccis lea registrerejuvvon mearka. Ohccis galget duođas leat bohccot mat leat merkejuvvon iežas registrerejuvvon merkii. Dan oaidná maŋemus boazodoallodieđáhusas mas ohcci dieđut leat.

Gáibádus deavdit dienaseavttu

Ohcci galgá gullát boazosearvái dahje siidaoassái gos jodiheaddji sáhtá duođaštit divatgeatnegahtton vuovdindietnasa bohccobierggus iežas mearkkas unnimusat 50 000 ruvnno ovddas ekskl. lassiarvodivvaga. Boazosearvvit galget duođaštit divatgeatnegahtton vuovdindietnasa bohccos mii gullá ohcci boazosearvái.

«Divatgeatnegahtton vuovdindienas bohccobierggus iežas mearkkas» oaivvilda vuovdin/dienas bohccobierggus siidaoassejodiheaddji registrerejuvvon mearkkas. Lassiarvodivvaga njuolggadusat mearridit lea go vuovdin divatgeatnegahtton, ja dan mearridit vearroeiseválddit.

Divatgeatnegahtton vuovdindienas galgá leat háhkkojuvvon maŋemus kaleanddarjagis. Ovdamearkka dihte, jus ohcá buhtadusa kursagoluid ovddas jagis 2022, de galgá duođaštuvvot ahte siidaoassejodiheaddji devddii dienasgáibádusaid jagis 2021. Mearrádus lea seammalágan go njuolggadusain doarjaga birra siidaosiide ja boazoserviide § 3 vuosttaš lađđasis nr. 2, ja dulkojuvvo seamma ládje.

Dienasgáibádusas ii sáhte spiehkastit. Vaikko ohcci oaččui dispensašuvvna § 3 vrd. § 17 njuolggadus doarjaga birra siidaosiide ja boazoserviide, de dispensašuvdna ii sirdojuvvo kursagoluid buhtadeapmái.

Goalmát lađas: spiehkastat siidaosiide geat ožžot álggahandoarjaga

Dienasgáibádus ahte galgá vuovdán bohccobierggu iežas mearkkas unnimusat 50 000 ruvnno ovddas ii gusto jus siidaoassejodiheaddji deavdá eavttuid ožžut álggahandoarjaga njuolggadusa siidaosiid ja boazoserviid § 9 vuodul. Duogáš rievdadussii lea ahte nuorra boazoeaiggádat álggahandásis ja sin siidaoassemiellahtut galget ožžut seamma vejolašvuoda, jus ii buoret vejolašvuoda máhttoloktemii go ásahuvvon boazoeaiggádat.

§ 4-3. Doarjaga meroštallan

Kurssa/lassioahpu oktavuodas sáhtá ožžut ruovttoluotta 50 proseantta duođaštuvvon goluin, 6 000 ruvnno rádjái jagis.

Gáldu: [Forskrift for Reindriftens Utviklingsfond, kapittel 4](#) (Lovdata)

Kommentárat mearrádussii

Goluid sáhtá duođaštit earret eará rehkegiin/guittiin máksojuvvon kursadivvaga ovddas ja vejolaš guittiiguin vejolaš mátkkošteami ovddas. Golut mátkkošteapmái ja orrumii gokčojuvvo stáda máksomeriid mielde. Go galgá árvoštallat mii lea 50 proseantta duođaštuvvon goluiguin, de ferte váldit vuodđun daid máksomeriid.

Stáda máksomearit leat alimus máksomearit. Jus duohta golut leat unnibut go stáda máksomearri, de leat golut mat leat ohcamušas vuodđun doarjjameroštallamii.

Doarjaga máksomearri lea gitta 6000 ruvnno rádjái juohke jagi. Das oaivvilduvvo ahte don sáhtát searvat mánja kurssaide ovttá jagis, muhto doarjaga it oaččo earágo 6000 ruvnno rádjái.

Ovdamearka:

«Ohcci A lea leamaš golmma kurssas. Vuosttaš kurssa ovddas juolluduvvui sutnje 2 500 ruvnno doarjja. Nuppi kurssa ovddas juolluduvvui sutnje 3 000 ruvnno. Goalmmát kursa mávssii 1 500 ruvnno, muhto go son lei juo ožžon doarjaga 5 500 ruvnno ovddas, de ii sáhttán juolluduvvot eambbo doarjja go 500 ruvnno dan jagis».

§ 4-4. Gáibádusat ohcamii

Ruovttoluottamáksima ohcan sáddejuvvo Eanandoallodirektoráhtii 6 mánu sisa maŋnel go kursa lea loahpahuvvon. Mielddusin sáddejuvvojit dat duodaštusat maid Eanandoallodirektoráhta oaidná dárbbaslažžan sáhttit hálldašit doarjjaortnega.

Gáldu: [Forskrift for Reindriftens Utviklingsfond, kapittel 4](#) (Lovdata)

Kommentárat mearrádussii

Jus kurssas leat mánja oasi, de sáhtá ohcamuš sáddejuvvot gitta 6 mánu rádjái maŋnel go kurssa maŋemus oassi lea loahpahuvvon.

Duodaštusat goluid badjel galgá biddjot mielddusin ohcamuššii. Makkár duodaštusaid galgá bidjat mielddusin boahtá ovdan ohcanskovis. Jus Eanandoallodirektoráhtta dárbbasa eanet dieđuid dahje duodaštusaid, de sii bivdet oažžut daid ohccis ovdal go áššemearrádus dahkko.